




## Schnitzelbank 2022

S EW Oberriet het gmonnt sü tögid üs an gfalla,  
sü hond a Kabel izoga för a ganzi Halla.  
D Jungwacht het Strom brucht zum s Zelt bauh,  
drum honds dor dia Kabel an Erdnagel ghous.



Obs a neus Puff im Dorf git isch ma gröget wora,  
aber nei, es seg nu a Restaurant, hört mas schnorra.  
Us Roxx wert denn ganz schnell Rhy,  
Mit mana sotiga Etabliment ma nöd wet verglecha sii.



An Gmoandsaal is zentrum bauh hät mer wella  
Leider häts nebad da burg ko plätz zum Autos ana stella  
Geld för a tüfgarage will mer usgeh dases kracht  
d stimmbevölkerig hätt dena plän an strich dor d rechnig gmacht.



An Fasnachtsumzug dors Dorf hät ma nöd dörfa macha  
D oberrieter Bürger fendit da nöd zum Lacha  
D Posauakläng ma dors ganze Dorf hört  
Schnell isch d Polizei uf Platz wo sich dra stört.





# GUGGAMUSIG BLEANDASTÖBER


Üseri Nati git sich müah es isch en Hit,  
föer ena sini Frisura sü bruchid viel Ziit.  
Das d EM gwennid isch scho bald fum Tisch,  
ka guat sii, das da Eint oder Ander a Frau drunnter isch.



Wer zeatteret do so stark bi Nacht und Wind,  
kon Ringer, es isch a KTVler Barrakind.  
Da Vorstand ena seg terminlich bleand,  
D Unterhaltig wert an Seich will all ar Rhema seand.



Ets hät mer öppa 100 johr mit am Jansen köonna bralla  
aber mittlerwila hätter im ganza nu no zwo Halla  
Ets monder aber amol ad Zuakunft vo da Selecta denka  
eni mond im Monat ez zwo Tonna vorigsKafipulver vaschenka.



Hett ona Liebi gspürt und wella go bohra,  
Bim Schriiner us Liidaschaft s Budaauto gstohla.  
Ih da Underführig im Oachiweas ischer ahgstanda,  
S'Führ vo da Liebi wie all z'Früh losganga.



A da Usfahrt z Oberriet mond d Betrieb richtig bralla,  
drum bouids föer Kies und Gmüas riesigi Halla.  
Wenns mitm Kies denn numma so loft,  
het da Gmüasler gmonnt eni Halla seg denn schnell koft.

